



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:


Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

Հայաստանի ժողովրդական ճարտարապետությունը զարգացման ինքնատիպ պայմաններում ստեղծել է բազմազան ու հարուստ արժեքներ՝ բնակելի տներ, արտադրական, տնտեսական և կենցաղային բնույթի շինություններ, համակառույցներ և բնակավայրեր:


Ողջ միջնադարում, նույնիսկ ավելի ուշ, ամենուրեք տիրապետել է փայտե կամ չայրվող ծածկով գլխատան համակառույցը, թեև առանձին տաք շրջաններում շարունակում էին զարգանալ հարթածածկ (Մեղրի, Սասուն), աշտարակածև (Սասուն, Գամիրք) և փայտակերտ (Համշեն, Խոտորջուր, Սև ծովի փոքրասիական առափնյա գաղթավայրեր) բնակարանները: Բնակելի համակառույցի մեծությունը, կազմը և ձևավորումը պայմանավորված էին տվյալ երկրամասի բնական պայմաններով, սոցիալ-տնտեսական առանձնահատկություններով և մշակութային ավանդույթներով: Հին տիպի բնակարաններն ունեցել են աչքի ընկնող ներքին հարդարանք (քանդակազարդ փայտամասեր, բուխարի, ձևավոր խորշեր), մինչդեռ արտաքինից հաճախ պարզունակ ծավալներ են ունեցել: Ժողովրդական ճարտարապետության լավագույն կառույցներ են ստեղծել փորձառու վարպետները: Դրանց շարքերից են դուրս եկել միջնադարյան ճարտարապետներից շատերը, որոնք հիշյալ կառույցների ձևերն օգտագործել են մոնումենտալ հույակապ շենքեր կառուցելիս: Դրա-



Նախնադարյան կտր կացարան

նով էլ մեծապես պայմանավորված էր ժողովրդական և մասնագիտական ստեղծագործությունների սերտ կապը և փոխադարձ ներգործությունը:

Տնտեսական նոր հարաբերությունների ազդեցությամբ առանձին վայրերում ուշ միջնադարից, իսկ XIX դարի կեսերից ավելի մեծ չափով վերափոխվում էին միջնադարյան գյուղերն ու նրանց շինությունները: Լեռնային խոլ վայրերում այդ տեղի էր ունենում աննկատ, բայց մայրուղիներին և տնտեսական զարգացող կենտրոններին մերձակա վայրերում (Ղարաբաղ, Լոռի, Ղափան) կառու-



Գլխատան ինտերիեր

ցապատման նուրացման, լանջավոր կտուրների ու ներքին կանաչապատման հանդես գալը տեղի էր ունենում դաշտավայրերին համընթաց: Արևմտյան Հայաստանում ցրված կառուցապատումն ավելի վաղ ժամանակներից առկա էր քաղաքամերձ վայրերում, ինչպես նաև Սասունում, Համշենում և մի քանի այլ գավառներում տեղանքի կտրվածության կամ որոշ ապահովության հետևանքով:



Հազարաշեն ծածկ



Աղյուսաշին բնակելի տուն Երևանի «Կոնդ» թաղամասում



Հատված Գիլիջանի թանգարանից


Քաղաքային բնակարանների տարբերակումը գյուղի տներից դրսևորվել էր դեռևս ուրարտական շրջանում, երբ հանդես էին եկել բազմաբաժին և հարկաշատ տները: Բայց անգամ միջնադարյան քաղաքներից շատ քիչ բան է մեզ հասել: Այդպիսի կառույցներում ուշադրություն էր դարձվում նաև արտաքին հարդարանքին: Զարգացած միջնադարում, հատկապես Անիում կիրառվում էին ձևավորման նաև արևելյան տարրեր, ինչպես՝ քարի բազմազույն ձևավոր

շարվածք, քարի ու փայտի գորգանման քանդակագործում, վանդակապատ մեծ բացվածքների կիրառում և այլն: Այդ ավանդույթները հայ շինարարները զարգացրել են ինչպես մայր երկրի հարավային և արևելյան շրջաններում, այնպես էլ Մերձավոր ու միջին արևելքի երկրներում. (առանձնապես ուշագրավ է XVII դարից հանդես եկած Նոր Ջուղա ավանը): XVI — XIX դդ. տեղական և արևելյան ոճի նույնպիսի միահյուսված դրսևորման օջախներ էին Հին Ջուղան, Երևանը, Նախիջևանը, Օրդուբադը, Ագուլիսը, մասամբ նաև Վանը:

XIX դարը քաղաքային ճարտարապետության համար, հատկապես Արևելյան Հայաստանում, մեծ փոփոխությունների դարաշրջան էր: Վերոհիշյալ քաղաքների ու ավանների կողքին հանդես եկան իրենց ուրույն դիմագիծն ունեցող Ալեքսանդրապոլը, Կարսը, Նոր Բայազետը (Վանո), Էջմիածինը, Դիլիջանը, Գորիսը, Շուշին և Մեղրին: Դրանցից անբաժան էր գերակշիռ հայ բնակչություն ունեցող Թիֆլիսի գաղթօջախը: Քաղաքային ճարտարապետության մեջ աչքի ընկնող արևելյան ոճն այս շրջանում իր դիրքերը զիջեց տեղական ավանդույթների և եվրոպական մշակույթի ու տեխնիկայի վրա խարսխված նոր ուղղությանը: Այնուամենայնիվ արտաքին ու ներքին հարդարանքի, ինչպես և կառուցվածքի արևելյան որոշ տարրեր հաջող կերպով ընդգրկվեցին նոր ժամանակների քաղաքների ճարտարապետության մեջ: Առաջնակարգ նշանակություն ստացան շենքերի փողոցի ճակատները, թեև ծայրամասերում շատ դեպքերում պահպանվում էր տները դրսից մեկուսացնելու արևելյան ավանդույթը: Կենտրոնական փողոցները խտանալով նմանվում էին միջանցքի: Ծարունակվում էր մեծ նշանակություն տրվել բակային փայտե պատշգամբներին և նրանց ավանդական նուրբ հարդարանքին, մինչդեռ փողոցի ճակատները շատ դեպքերում եվրոպական-դասական կամ մոդերն-էկլեկտիկ տեսք էին ստանում: Միաժամանակ տեղի էր ունենում ժողովրդական և մասնագիտական ստեղծագործությունների միահյուսման խիստ ուշագրավ մի երևույթ, որով ապահովվում էր քաղաքային ճարտարապետության ազգային ինքնատիպությունը, առանձին դեպքերում՝ նաև ոճական միասնականությունը (Գորիս, Շուշի):



Վանարակապ դարպասով բնակելի տուն Գորիսում



Փայտե խոյակ Սևանա կղզուց

Իրենց բաժանմունքներով, երբեմն էլ հարդարանքով իրարից տարբերվում էին քաղաքի ունևոր, արհեստավորական և գյուղական խավերի, ինչպես նաև եկամտաքեր տները:

Բնակավայրերի քաղաքայնացումը և կառուցապատման մասնագիտական եղանակների կիրառումն աննախընթաց չափեր ընդունեց Սովետական Հայաստանում: Չնայած դրան, աճում էր ժողովրդական ճարտարապետության պատմագիտական, արվեստաբանական, մասամբ նաև գործնական նշանակությունը: Այժմ մեծ սրությամբ դրվել և հաջողությամբ լուծվում են հուշարձանների պահպանության և վերափնտառման խնդիրները, արգելոցների, բացօդյա թանգարանների, պատմական համալիրների և առանձին կառույցների համակարգում: Այդ գործի համար զարգացվում և լայնո-



Բնակելի տուն Շուշիում

րեն օգտագործվում են քարի, փայտի և մետաղների մշակման ժողովրդական արհեստները: Հենց այդ նպատակով սահմանված են հատուկ օրենքներ, գործում են պետական հիմնարկություններ և հասարակական կազմակերպություններ, որոնց կորդինացնողն ու ղեկավարը ՀՍՄՄ Միևհատրների խորհրդին առընթեր պատմության և կուլտուրայի հուշարձանների պահպանության և օգտագործման վարչությունն է:

ՆՈՒԲԱՐ ԾԵՐՈՒՆԻ ՊԱՊՈՒԽՅԱՆ
ՀԱՅԿԱԿԱՆ ԺՈՂՈՎՐԴԱԿԱՆ ԺԱՐՏԱՐԱՊԵՏՈՒԹՅՈՒՆ
Երևան «Հայաստան» 1987

НУБАР ЦЕРУНОВИЧ ПАПУХЯН
АРМЯНСКАЯ НАРОДНАЯ АРХИТЕКТУРА

(На армянском языке)
Ереван «Айастан» 1987 г.

Խմբագիր՝ Ա. Ս. Ոսկանյան
Նկարիչ՝ Լ. Խ. Խաչատրյան
Տեխն. խմբագիր՝ Յ. Սարգսյան
Վերատուգող սրբագրիչ՝ Ս. Վ. Խաչատրյան

Հ $\frac{4902020000}{701(01)86}$ — պատվեր

© ՀՍՍՀ ՄԻՆԻՍՏՐՆԵՐԻ ԽՈՐՀՐԴԻՆ ԱՌԸՆԹԵՐ ՊԱՏՄՈՒԹՅԱՆ
ԵՎ ԿՈՒԼՏՈՒՐԱՅԻ ՀՈՒՇԱՐՁԱՆՆԵՐԻ ՊԱՀՊԱՆՈՒԹՅԱՆ ԵՎ
ՕԳՏԱԳՈՐԾՄԱՆ ԳԼԽԱՎՈՐ ՎԱՐՉՈՒԹՅՈՒՆ

2Կ

ՎՖ 01151: Տպաքանակ՝ 10000, պատվեր՝ 5181: Գինը՝ 15 կրպ.:
Ֆորմատ՝ 70×108 ¹/₃₂: 0,52 պալմ. տպ. մամ., 0,49 հրատ. մամ.:

«Հայաստան» հրատարակչություն, Երևան—9, Իսահակյան 28
Издательство «Айастан» Ереван — 9, ул. Исаакяна 28

ԳՈՒՆԱՎՈՐ ՏՊԱԳՐՈՒԹՅԱՆ ՏՊԱՐԱՆ
Երևան — 82, Ադմիրալ Իսակովի պող. 48:
ТИПОГРАФИЯ ЦВЕТНОЙ ПЕЧАТИ
Ереван — 82, пр. Адмирала Исакова, 48.